

**Ionad na dTeangacha  
Ollscoil na hÉireann, Má Nuad**

# Teastas Eorpach na Gaeilge

## Meánleibhéal 1 (B1)

### Scrúdú samplach

#### Cluastuisceant, Léamhthuisceant, Scríbhneoireacht

1. Scríobh d' uimhir scrúdaithe anseo, le do thoil:

2. Tá an Scrúdú Cluastuisceana (25%), an Scrúdú Léamhthuisceana (25%) agus an Scrúdú Scríbhneoireachta (20%) sa leabhrán seo. Baineann an 30% eile leis an Scrúdú Cainte.

3. Freagair gach ceist.

4. Mairfidh an Scrúdú Cluastuisceana timpeall 25 nóiméad. Beidh 5 nóiméad agat leis an Scrúdú Cluastuisceana a léamh sula gcuirfear an taifeadadh ar siúl.

5. Mairfidh an Scrúdú Léamhthuisceana agus an Scrúdú Scríbhneoireachta uair go leith.

#### *Don oifig amháin*

##### *Cluastuisceant*

1	<input type="text"/>
2	<input type="text"/>
3	<input type="text"/>
4	<input type="text"/>

##### *Léamhthuisceant*

1	<input type="text"/>
2	<input type="text"/>
3	<input type="text"/>

##### *Scríbhneoireacht*

1	<input type="text"/>
2	<input type="text"/>
3	<input type="text"/>

# Cluastuiscint

25% den scrúdú iomlán: (48 marc)

Tá 5 nóiméad agat leis an pháipéar a léamh sula dtosóidh an taifeadadh. Tá ceithre cheist ar fad sa pháirt seo. Cloisfidh tú gach téacs faoi dhó. Freagair na ceisteanna i nGaeilge. Ní gá abairtí iomlána a scríobh.

**1** Éist le trí fhógra agus freagair na ceisteanna thíos.

/12

Fógra 1

1. Cad é ainm an dlúthdhiosca?

---

2. Cé a bheidh ag dul ar thuras go Meiriceá?

---

Fógra 2

1. Cén áit go díreach ar tharla an timpiste?

---

2. Cén uair a bheidh an bóthar oscailte?

---

Fógra 3

1. Ainmnigh foireann amháin a bhí sa chomórtas.

---

2. Cén fáth a luaitear an clár 'Spórt an Deiscirt'?

---

2

Éist leis na trí chomhrá agus freagair na ceisteanna thíos.

/12 marc

Comhrá 1

1. Cén gaol atá idir Seán agus Síle, meas tú? Tá siad pósta ar a chéile.   
Is deartháir agus deirfiúr iad.   
Tá said ag obair le chéile.

2. Cén cineál poist a fuair Seán? A. Post buan   
B. Post ar conradh   
C. Post sealadach   
D. Post dhá bhliain

Comhrá 2

1. Cén áit a bhfuil an comhrá seo ar siúl, meas tú? \_\_\_\_\_
2. Cén bronntanas a shocraíonn siad a cheannach?  
\_\_\_\_\_

Comhrá 3

1. Céard a tharla do Liam agus é ag dul abhaile?  
\_\_\_\_\_
2. Tugann Áine comhairle do Liam. Céard é?  
\_\_\_\_\_

3

*Cloisfidh tú píosa as agallamh raidió.  
Tá an scríbhneoir Eoin Mac Gearailt ag caint  
faoina chuid oibre. Freagair na ceisteanna thíos.*

/ 12 marc

Agallamh raidió

1. Luaigh dhá phointe eolais a thugann Eoin faoina sheanathair.

---

---

2. Cá raibh Eoin nuair a thosaigh sé ag scríobh?

---

3. Luann Eoin Raidió na Gaeltachta. Cén fáth?

---

4. Thaitin an cúrsa scríbhneoireachta san ollscoil leis. Cén fáth?

---

5. Luaigh rud amháin a thaitin leis faoi Rio de Janeiro.

---

6. Níl mórán ama ag Eoin a bheith ag scríobh anois. Cén fáth?

---

4

Cloisfidh tú comhrá idir Siobhán agus Breandán. Tá siad ag caint faoi Anna agus Pierre atá ag teacht ar cuairt.

Léigh na ráitis thíos. An bhfuil siad **fíor**, **bréagach** nó **ní deirtear**?

Cuir tic  sa bhosca ceart.

/12 marc

1. Seo an chéad uair do Phippe teacht go Baile Átha Cliath.

A. Fíor

B. Bréagach

C. Ní deirtear

2. Beidh Siobhán ag imeacht as baile an deireadh seachtaine seo chugainn.

A. Fíor

B. Bréagach

C. Ní deirtear

3. Bíonn Breandán dul ag siúl sna sléibhte go minic.

A. Fíor

B. Bréagach

C. Ní deirtear

4. Ceapann Siobhán nach mbeidh spéis ag Pierre sna hiarsmalanna.

A. Fíor

B. Bréagach

C. Ní deirtear

5. Tá ticéid ag Breandán do chluiche peile ar an Satharn.

A. Fíor

B. Bréagach

C. Ní deirtear

6. Níl Breandán buartha faoin chostas.

A. Fíor

B. Bréagach

C. Ní deirtear

# Léamhthuiscint

25% den scrúdú iomlán: (40 marc)

1

Tá na daoine thíos ag lorg poist nó cúrsa.  
Léigh na folúntais ar an chéad leathanach eile.  
Roghnaigh an post/cúrsa is fearr do gach duine.  
Scríobh an litir cheart sa ghreille thíos.

/10 marc

1. Barra Mac Laifearthaigh	
2. Úna Bean Mhic Giolla Phádraig	
3. Orlagh Martin	
4. Pól Ó Ruairc	
5. Sorcha Ní Bhriain	

## 1. Barra Mac Laifearthaigh

Bhí Barra ina mhúinteoir Spáinnise i meánscoil i gCorcaigh go dtí gur gortaíodh go holc é i dtimpiste bóthair i 2005. Rinne sé Dioplóma i Múineadh an Bhéarla agus ba mhaith leis tosú ag obair arís go páirtaimseartha ach gan an iomarca taistil a bheith i gceist.

## 2. Úna Bean Mhic Giolla Phádraig

D'éirigh Úna as a post meánscoile i 2000 agus ba mhaith léi cúrsa a dhéanamh chun scil nó teanga nua a fhoghlaim. Tá suim aici sa taisteal agus sa scríbhneoireacht agus tá cuid mhór gearrscéalta scríofa aici. Níl mórán féinmhuiníne aici, áfach, agus ba mhaith léi na gearrscéalta a thaispeáint do dhaoine eile le fáil amach an bhfuil aon mhaith iontu.

## 3. Orlagh Martin

Tá Béarla agus Spáinnis líofa ag Orlagh a chaith blianta fada ag múineadh Béarla i Madrid. Rinne sí céim sa Bhainistíocht Turasóireachta, agus chaith sí seacht mbliana ag eagrú 'turas pacáiste' go dtí mórionaid turasóireachta sa Spáinn. Anois, ba mhaith léi triail a bhaint as obair nua i dtíortha nach raibh sí iontu riamh.

## 4. Pól Ó Ruairc

Bhí Pól ag obair i monarcha i nDroichead Átha go dtí 1993. D'éirigh sé as chun aire a thabhairt dá thriúr páistí. Ba mhaith leis tosú ag obair arís agus, más féidir, a bheith ag obair ón mbaile. Tá suim aige sa ríomhaireacht, ach síleann sé go mbeidh air cúrsa traenála a dhéanamh.

## 5. Sorcha Ní Bhriain

Is mac léinn ealaíne í Sorcha, sa chéad bhliain ollscoile. Tá sí ag lorg obair pháirtaimseartha sa tráthnóna nó ag an deireadh seachtaine a thabharfaidh an seans di a bheith ag staidéar agus ag péinteáil. Ba dheas dá mbeadh baint ag an obair le cúrsaí ealaíne.

## *Scrúdú Samplach Meánleibhéal 1 (B1)*

### ***A Saoire Iberia***

Tá Oifigeach Sóisearach á lorg ag Saoire Iberia don oifig i mBaile Átha Cliath. Beidh air/uirthi eiltí chun na Spáinne a eagrú agus lóistín sa phríomhchathair a shocrú. Teastaíonn na rudaí seo a leanas: pas san Ardeistiméireacht, a bheith sásta tréimhsí a chaitheamh i Madrid agus cúrsa Spáinnise a dhéanamh.

### ***B Coláiste Béarla Chorcaí***

Tá Coláiste Béarla Chorcaí ar cheann de na scoileanna Béarla is sine agus is clúití in Éirinn. Tá folúntas againn do Mhúinteoir Páirtaimseartha Sealadach. Teastaíonn na rudaí seo a leanas: Dioplóma i Múineadh an Bhéarla, taithí ar dhaoine fásta a mhúineadh agus ceadúnas glan tiomána (beidh an múinteoir ag tabhairt na scoláirí ar thurais ar fud Chúige Mumhan).

### ***C Nuacht na nEalaíon***

Iris Idirlín is ea Nuacht na nEalaíon. Tá folúntas againn d'oibrí páirtaimseartha (3 lá sa tseachtain ón a naoi go dtí a cúig tráthnóna). Teastaíonn na rudaí seo a leanas: céim sna healaíona agus suim san iriseoireacht agus sa ríomhaireacht. Is féidir cuid den obair a dhéanamh sa mbaile.

### ***D An Peann sa Spáinn - Cúrsa do scríbhneoirí***

Tar linn go Cantabria, réigiún in iarthuaisceart na Spáinne nach bhfuil scriosta ag turasóirí. Caith seachtain i gcomhlúadar cairdiúil ag caint agus ag comhrá faoi na scéalta atá scríofa agat. Ní bhíonn ach seisear sa teach in aon am ar leith.

### ***E Omega Teo***

Tá Omega Teo ag lorg tuairisceoirí chun píosaí a chur ar fáil don tsraith nua ar TG4 'An Taistealaí i Meiriceá Theas'. Beidh na tuairisceoirí ag cur síos ar áiteanna iargúlta nach mbíonn mórán turasóirí le fáil iontu faoi láthair. Níl taithí iriseoireachta riachtanach ach caithfidh Spáinnis líofa a bheith ag na hiarrthóirí.

### ***F Ionad na dTeangacha – Institiúid Teicneolaíochta Chathair Chorcaí***

Tá Ionad na dTeangacha chun cúrsaí samhraidh Béarla a chur ar fáil do dhéagóirí ón Spáinn. Tá folúntas againn do mhúinteoirí páirtaimseartha agus lánaimseartha a bhfuil cáilíocht acu i Múineadh an Bhéarla. Bheadh taithí meánscoile ina buntáiste freisin.

### ***G Oiliúint 2000***

Ar mhaith leat filleadh ar shaol na hoibre?

An bhfuil tú dífhostaithe/gan a bheith ag obair le tamall fada?

An dteastaíonn cáilíocht uait?

An bhfuil coinníollacha oibre solúbtha uait?

Cuir glaoch ar ***Oiliúint 2000***. Tá cúrsa traenála againn a oireann duitse!

### ***H Siopa Leabhar Picasso***

Is é Siopa Leabhar Picasso an t-aon siopa sa chathair atá dírithe go huile agus go hiomlán ar na healaíona. Tá oibrí páirtaimseartha á lorg againn faoi láthair. Teastaíonn na rudaí seo a leanas: eolas maith ar na healaíona, a bheith sásta oibriú ar an Satharn agus go déanach tráthnóna Déardaoin.

### ***I Máistir-rang le Nuala de Barra***

Seo do sheans chun cúrsa scríbhneoireachta a dhéanamh le Nuala de Barra, duine de na filí is clúití sa Ghaeilge. Tríocha duine a beidh páirteach sa chúrsa agus ba cheart d'iarrthóirí samplaí dá gcuid filíochta ó irisí agus ó leabhair a chuir chuig Nuala. Déanfar scrúdú criticiúil ar na dánta le linn an chúrsa.

2

Léigh an méid thíos agus ansin freagair na ceisteanna.



/14 marc

## Gaelscoil Bhaile na Croise

Sorcha Ní Chonaill  
Príomhoide  
13 – 09 – 2006

A chairde,

Tá mé ag scríobh chugaibh le sibh a chur ar an eolas faoi thuras thar lear atá á eagrú ag an scoil le haghaidh dhaltaí Bhliain 4. Is go Grenoble na Fraince a bheimid ag dul i mbliana, tar éis dúinn a bheith i bpríomhchathair na tíre sin anuraidh. Gheobhaidh sibh gach eolas faoin turas ar leathanach eile, ach ba mhaith liom cúpla pointe tábhachtach a dhéanamh ar dtús.

Cé go mbeidh an turas ar siúl le linn laethanta saoire na Samhna, ní sos iomlán ón scoil a bheidh ann. Is dóigh liom go gcabhraíonn turais mar seo go mór leis na daltaí ó thaobh an oideachais de. Tá a fhios againn nach leor seachtain amháin chun feabhas rómhór a chur ar a gcuid Fraincise, ach beidh go leor imeachtaí suimiúla eile ar siúl acu chomh maith. Ar ndóigh, is breá an aclaíocht í an sciáil agus tá siúlóidí agus imeachtaí spóirt le bheith ann freisin.

Tá a fhios agam gur cuid mhór airgid €500. Níor mhaith linne go mbeadh brú ar dhaoine a gcuid páistí a chur ar an turas. Beidh roinnt daltaí as Bliain 4 ag fanacht sa bhaile, agus beidh fáilte rompu páirt a ghlacadh sna himeachtaí spóirt agus sna ranganna breise a bheidh ar siúl anseo sa scoil le linn shaoire na Samhna. Ní fhágfar aon duine amuigh!

Mar sin de, léigí an leathanach eolais agus déanaigí teagmháil linn roimh dheireadh na míosa seo más mian libh áit a chur in áirithe do bhur n-iníon féin.

Slán agus beannacht,

Sorcha Ní Chonaill

Sorcha Ní Chonaill

### Turas na Samhna 2006 – Sciáil agus Fraincis in Grenoble

#### Imeachtaí

- Gearrchúrsa sciála do thosaitheoirí agus cúrsa eile do dhaltaí a bhfuil roinnt taithí acu
- Ranganna comhrá Fraincise
- Siúl sléibhe
- Turas teoraithe ar chathair Grenoble
- ‘Oíche Éireannach’ le daltaí meánscoile áitiúla

Táimid ag iarraidh ar dhaltaí a bhfuil ceol nó damhsa acu a gcuid ainmneacha a chur síos don ‘Oíche Éireannach’.

#### Costas

€500 do gach dalta. Tá na rudaí seo thíos san áireamh sa chostas.

- Eitilt dhíreach as Baile Átha Cliath
- Lóistín agus béilí (7 lá)
- Éadaí/trealamh sciála ar cíos

Ní mholtar do thuismitheoirí an iomarca airgid phóca a thabhairt do na cailíní. Ní bheidh mórán seans acu é a chaitheamh!

#### Riachtanais

Caithfidh gach dalta na rudaí seo a leanas a thabhairt léi:

- Bróga maithe siúil
- Éadaí geimhridh (cóta báistí, scaifeanna, geansaithe srl)

Má tá éadaí/trealamh sciála ag an dalta cheana féin, is féidir léi iad a thabhairt léi.

1. Cén tír ar thug an scoil cuairt uirthi an bhliain seo caite?

---

2. Cén fáth a molann an príomhoide an turas seo? Cuir tic leis an ráiteas *is fearr*.

Is féidir leis na daltaí dearmad a dhéanamh den obair scoile.

Beidh a gcuid Fraincise i bhfad níos fearr.

Beidh siad ag déanamh aclaíochta agus rudaí difriúla eile.

3. Cad a dhéanfaidh na daltaí *nach rachaidh* go Grenoble?

---

4. Cad é an dáta deireanach chun áit a chur in áirithe?

---

5. Léigh na ráitis thíos. An bhfuil siad fíor/bréagach/ní thugtar an t-eolas?

- Caithfidh gach dalta éadaí/trealamh sciála a thabhairt léi ar an turas. \_\_\_\_\_
- Beidh ar gach cailín damhsa nó amhrán a rá ag an ‘Oíche Éireannach’. \_\_\_\_\_
- Beidh cúrsa sciála ar siúl ag dhá leibhéal. \_\_\_\_\_

3

Léigh an t-agallamh agus freagair na ceisteanna thíos.



/16 marc

## Lá dár Saol

***Labhair Brian Ó Máille le Sinéad Nic Dhonncha, amhránaí sean-nóis, faoin saol atá aici anois agus faoi na pleananna atá aici amach anseo.***

Seo an chéad uair a chas mé le Sinéad Nic Dhonncha, agus níor shíl mé ar dtús gur duine faiteach í, ach ní mar a shíltear a bhítear. Tá sí i ndiaidh dlúthdhiosca ('An Sean-nós Nua') a dhéanamh le cuid de na hamhránaithe traidisiúnta óga is fearr in Éirinn. "Ó, bhí mé thar a bheith neirbhíseach' a deir sí. "Bhí mo chroí amuigh i mo bhéal! An dtuigeann tú, bíonn faitíos orm i gcónaí, mise a rugadh agus a tógadh i mbruachbhaile in aice leis an bpríomhchathair. Bím ag rá liom féin, an féidir le bean nach as an nGaeltacht í an sean-nós a chanadh? Tá sé rud beag cosúil leis an gceist eile sin – an féidir le daoine bána na goirmeachaí a chanadh?"

Ach is iomaí ceangal atá ag Sinéad leis an nGaeltacht. Sloinne mór de chuid Chonamara is ea Mac Donncha, agus ba as Camas seanathair Shinéad, Muiris Bán Mac Donncha. "Is ea. Ní raibh ceol rómhaith ag Muiris ach bhí cuimhne iontach aige, agus bhí focail gach amhráin mhóir as an gceantar sin ar eolas aige. Tá daoine mar sin an-tábhachtach. Nuair a dhéanann tú dearmad de na focail, rud a dhéanaimse go minic, bíonn daoine mar Mhuiris in ann iad a insint duit! Duine an-lách agus foighneach ba ea Muiris, níl a fhios agam an bhfuil na tréithe céanna agamsa agus mé ag múineadh."

Bíonn ranganna rialta sean-nóis ag Sinéad do pháistí meánscoile agus tugann sí ceardlanna do ghrúpaí eile anois is arís. Ach an rud é an sean-nós is féidir a mhúineadh? "Hmmm, ceist mhaith í sin. Seans go gcaithfidh tú an-suim a bheith agat ann agus an-chuid ama a chaitheamh leis. An duine atá ag iarraidh é a fhoghlaim ina chroí istigh, beidh sé in ann é sin a dhéanamh. Caithfidh tú cuid mhór staidéir a dhéanamh, ar ndóigh. Bhí go leor fadhbanna agam féin nuair a bhí mé óg agus mé ag foghlaim. Ó, gabh mo leithscéal... tá mé ag foghlaim go fóill agus beidh, is dóigh liom, go bhfaighidh mé bás."

Cad iad na fadhbanna a bhí aici, mar sin? "Ó rudaí an-phraiticiúla ar fad. Bíonn eagla orm go mbím ag cur isteach ar na comharsana. Tá cónaí orainn i dteach leathscoite i Ráth Eanaigh agus bíonn sé deacair a bheith ag cleachtadh gan torann a dhéanamh. Mar shampla, is cuimhin liom oíche amháin agus bhí amhrán grá á chanadh agam agus tháinig an chomharsa bhéal dorais chun tí le cinntiú go raibh mé ceart go leor. "Shíl mé gur ag caoineadh a bhí tú" a dúirt sí. Is dóigh liom go raibh ionadh ar roinnt de na comharsana nuair a tháingamar anseo ar dtús. Tá an t-ádh orm mar ní bhíonn siad ag gearán - níor mhaith liom fearg a chur orthu, mar gach seans go mbeidh mé anseo go ceann i bhfad. Bheadh sé i bhfad níos fusa na hamhráin seo a cheol i gceantar tuaithe!"

Cad é an chéad chéim eile do Shinéad, mar sin? "Bhuel deir daoine liom gur cheart dom dlúthdhiosca de mo chuid féin a dhéanamh, ach níl deifir mhór orm sin a dhéanamh. Rud an-chostasach atá ann, seans go mbeadh cúpla euro le fáil ó ghrúpa éigin ach mar sin féin tógann sé sin ar fad am. Chomh maith leis sin, ba mhaith liom cúpla bliain eile a chaitheamh

Scrúdú Samplach Meánleibhéal 1 (B1)

ag foghlaim amhrán a bhfuil dearmad déanta ag daoine orthu, amhráin a bhaineann le ceantar Chamais agus le ceantar mo mhuintire go háirithe.

“Tá traidisiún an-láidir sa cheantar sin agus ba mhaith liom amhrán a fháil faoin áit nach bhfuil eolas ag mórán daoine orthu, le go gcloisfidh daoine arís iad.”

Agus an bhfuil fonn uirthi dul isteach sna comórtais sean-nóis a bhíonn ar siúl le linn an Oireachtais, féile mhór na Gaeilge? “Níl i ndáiríre. Deir daoine nach maith leo a leithéid de chomórtas agus nach féidir a rá go bhfuil amhránaí amháin níos fearr ná amhránaí eile. Níl a fhios agam an bhfuil sé sin ceart. Is dócha go dtugann siad seans iontach do dhaoine óga go háirithe. Tá a fhios agam go maith go mbeadh an-fhaitíos orm, thuas ar stáitse agus seomra lán daoine ag féachaint orm. Is breá liom an nós atá acu i gConamara – nuair a bhíonn tú ag canadh faigheann duine greim ar do lámh agus fanann tú lámh ar lámh go dtí go mbíonn an t-amhrán thart. Tá sin thar a bheith cairdiúil. Tugann sé misneach dom. An dóigh leat go mbeidh cead agam duine a thabhairt suas ar an stáitse liom ag an Oireachtas?”

---

1. Is as \_\_\_\_\_ Sinéad Nic Dhonncha.

2. Cé atá le cloisteáil ar an dlúthdhiosca ‘An Sean-nós Nua’?

---

3. Cén gaol atá idir Sinéad agus Muiris?

---

4. Cén chabhair is mó a thug Muiris do Shinéad?

---

5. Cén ráiteas *is fearr* a chuireann síos ar dhearcadh Shinéad?

- Bíonn sé éasca go leor an sean-nós a fhoghlaim.
- Bíonn sé éasca do pháistí agus do dhéagóirí an sean-nós a fhoghlaim.
- Bíonn an-chuid oibre le déanamh leis an sean-nós a fhoghlaim.
- Ní féidir le haon duine sean-nós a cheol ach daoine ón Ghaeltacht.

6. Cén ráiteas *is fearr* a chuireann síos ar chomharsana Shinéad?

- Is breá leo ag éisteacht léi ag canadh.
- Bíonn siad ag gearán faoin torann anois is arís.
- D’iarr siad ar Shinéad gan canadh san oíche.
- Ní dúirt siad go raibh siad míshásta faoin chanadh.

*Scrúdú Samplach Meánleibhéal 1 (B1)*

7. Cén fáth nach bhfuil deifir ar Shinéad dlúthdhiosca a dhéanamh? Roghnaigh an ráiteas *is fearr* ón liosta thíos.

- Níl ach cúpla amhrán aici a thaitníonn go mór léi.
- Ní féidir léi aon airgead a fháil leis an dlúthdhiosca a dhéanamh.
- Ba mhaith léi roinnt amhrán eile a fhoghlaim.
- Ba mhaith léi roinnt amhrán a scríobh faoi Chamas.

8. Ní bheidh Sinéad ag cur isteach ar chomórtas an Oireachtais. Cén fáth? Roghnaigh an ráiteas *is fearr* ón liosta thíos.

- Ní dóigh léi gur rud maith comórtais amhránaíochta.
- Bíonn sí an-neirbhíseach nuair a bhíonn sí ag canadh go poiblí.
- Is fearr léi a bheith ag canadh in áiteanna beaga.
- Bíonn an iomarca daoine sna comórtais.

# Scríbhneoireacht

20% den scrúdú: (50 marc)

1

Críochnaigh an teachtaireacht ríomhphoist seo thíos.

Scríobh **focal amháin** i ngach bearna.

/10 marc

Haigh, a Bhríd, Tá súil agam go bhfuil gach rud go maith leatsa. Tá brón orm nár \_\_\_\_\_ (1) mé teachtaireacht chugat níos luaithe ach bhí mé an-ghnóthach an tseachtain seo caite. Ar \_\_\_\_\_ (2) mé duit gur chuir mé isteach ar phost \_\_\_\_\_ (3) iriseoir leis an nuachtán *Foinse*? Bhuel bhí an \_\_\_\_\_ (4) agam ar an Luan agus ceapaim \_\_\_\_\_ (5) éirigh go maith liom cé go raibh roinnt de na ceisteanna deacair go leor. Tá súil agam go bhfaighidh mé é mar ba bhreá liom bogadh siar go Gaillimh. Tá teach ag mo dheartháir díreach in aice leis an fharraige. Má \_\_\_\_\_ (6) an post beidh orm gluaisteán a \_\_\_\_\_ (7) ach sin scéal eile! Conas atá an saol leatsa? An mbeidh tú ag teacht go Corcaigh do \_\_\_\_\_ (8) Shíle oíche Aoine? Is deacair a chreidiúint go bhfuil sí daichead bliain d'aois – nach bhfuil cuma i bhfad níos \_\_\_\_\_ (9) uirthi. Beidh deireadh seachtaine iontach againn – tá go leor clubanna \_\_\_\_\_ (10) sa chathair anois. Cuir scairt orm tráthnóna má bhíonn an seans agat. Caithfidh mé dul ar ais ag obair anois. Slán go fóill, Aoife.





*Scrúdí Samplach Meánleibhéal 1(B1)*